



UKA2016-mi Naalakkersuisut kalaallinut inuiaqatigiinnut attuumassuteqarnermut inatsisit malittarisassat pillugit nassuiaammik agguasseqqullugit qanorlu ataasiakkaarlutik tulluunnerannut nalilersueqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Nassuiaammi nalilerneqassaaq, innuttaasut pisortanut attaveqartarnerat oqilisarneqarsinnaanersoq kinaassutsimut uppersarsaat, nuna tamakkerlugu atuuttusaaq atorineqalersuuppat.

(Inatsisartunut ilaasortaq Michael Rosing, Demokraatit)
(Siullermeernera)

Inatsisit tunngavigalugit kinarpiaq kalaaliua?

Apeqput taamma akuttunngitsumik apeqputit allat tunuanniittarpoq. Kalaaliusoqartarpa assersuutigalugu Danmarkimi ilinniarnermut atatillugu Kalaallit Nunaanniit ilinniarnersiutisisaraanni. Kalaallit Nunaanni qinersisoqartillugu qinereqataasoqarsinnaava? Ullut arlaanni ilinniareerluni Kalaallit Nunaannut uteraanni qitornat meeqperivimmut allatsinneqarsinnaappat?

Kalaaliuinnartoqarsinnaava nunani allani Danmarkimiluunniit ukiuni arlalinnik najugaqarnissaaq qinersimangaanni?

Apeqput tamanna kalaallinut arlalinnut aalisartunut atuuppoq allanullu Kalaallit Nunaannut angerlaqqikkusuttunut kilisaatini inuttaareerlutik angerlariarlutik aalisartunngoqqikkusuttunut. Tamannali imaannaangilaq ukiut kingulliit marluk Kalaallit Nunaanni najugaqarnikuunnginnamik.

Taasakka assersuutissaminiinnanguupput ajornartorsiulersartut pillugit, amerlasuutigut attuumassuteqarnissamut piumasaqaateqarneq atortarsigu, tunngavigalugu ukiut kingulliit ingerlanerini najugaqarsimaneq alla periuseq atornagu naalagaaffimmi innuttaasutsimut qaninnerusoq.

Assersuutigalugu Savalimmiuni periuseq atorineqartoq naalagaaffimmi innuttaasutsimut qanittuuvoq, tassani isummerfigineqartarluni sunik pisinnaatitaaffeqartoqarnerasoq apeqputaatinnagu sumi najugaqarneq aamma pisinnaatitaaffiit suut tiguneqaaqqittarnersut angerlaqqikkaanni.

Demokraatini isumaqarpugut ajornartorsiutit amerlasuut pilersartut itsartut eqqarsartoqartarmat kalaallit tassaasut Kalaallit Nunaanni inuunertik naallugu najugaqarsimasut qaqutikkuinnarlu aallarlutillu uteqqittartut. Taamaassimassajunnarsivoq qanga, kisianni ullutsinni kalaalerpassuit inuunerminni arlaleriartutik nooqattaartarput, angerlaqqikkaangamillu naqqaniik aallarteqqittarlutik. Taakku qitornaat aatsaat meeqperivinnut allatsissinnaapput Kalaallit Nunaannut angerlareerunik, kisianni aallaaniarsinnaanermut allagartamik pisoqarsinnaavoq sivisunngitsumik maani najugaqareersimagaanni inatsisillu naapertorlugit nuuttutut isigineqalersarlutik.



Isumaqarpugut inatsisepassuarnut ajornaannerusumik tunngavittut atorneqalersinnaasoq kinaassutsimut uppersaataat nuna tamakkerlugu atuuttoq, sumi najugaqarnermut uppersaammut ullumikkut atorneqartartumut taarsiullugu aamma nalunaarsuinerit attuumassuteqartut ilannguteriarlugit taava atorneqarsinnaalissagaluarpoq Savalimmiunisulli. Aamma isumaqarpugut taamaaliornikkut innuttaasut pitsaanerusumik sullineqalersinnaagaluartut.

Siunnersuut manna Inatsisartuni ilaasortamit Michael Rosingimit siunnersuutigineqartoq alloriarneruvoq siulleq. Misissuititseriarta paasiniarlugit nuna tamakkerlugu nalunaarsuisarnerup kinaassutsimut uppersaataat iluaqutissartai akorngutaalu. Misissuineq naammassippat, Inatsisartunut ajornaannerulissaaq aalajangissallugu suliaq malitseqartinneqaqqissanersoq.

Taamatut oqaaseqarluta siunnersuummut ilaliinermut nalunaarutigissavarput siunnersuullu ingerlateqqillugu Inatsisunik Atortitsinermut Ataatsimiititaliamut.